



Fevereiro 2009

Presiza Separasaun Prosesu Julgamentu

Iha loron 12 Janeiro 2009, Tribunal Distrital Dili halao audiensia julgamentu ba arguidu nain tolu nudar akuzadus ba kazu asaltu quartel geral F.FDTL Tasi Tolu iha tinan 2006 ne'ebe uza armas fogu automatic. Iha julgamentu ne'e iha arguidu nain rua deit ho inisial VC no LLB mak marka prezensa hodi tuir prosesu julgamentu ne'ebe iha periodu uluk hetan ona medida koasaun/liberdade kondisional, iha parte seluk arguidu ho inisial M"AR" la marka prezensa.

Atu responde kondisaun ida ne'e, Ministeriu Publiku no advogadus arguidus hato'o pedidu (oral) ba tribunal hodi halo separasaun prosesu julgamentu ba arguidu M "AR" ho arguidu rua sira seluk ho razaun katak laiha informasaun klaru kona ba paradeiru arguidu M"AR" no ba arguidu seluk iha direitu atu prosesa sira nia kazu. Maibe, juiz koleтиву mantein nafatin hodi rejenta pedidu refere, ho argumentu katak kazu refere konsidera nudar kazu grave nune'e tenki julga dala ida no hamutuk, tanba nune'e decide hodi adia fali julgamentu ba loron 1 Abril 2009.

JSMP argumenta katak tribunal la presiza hein tan prezensa arguidu ne'ebe lahatene nia paradeiru, no ba asuntu ne'e JSMP suporta pedidu husi ministeriu publiku no advogadus sira, no rekomenda hodi halo separasaun prosesu julgamentu ba kazu refere bazea ba artigu 25.(c) Kodigu Prosesu Penal (KPP) katak exesionalmente, bele haketak prosesu, ofisiozamente ka tuir rekerimentu kuandu bele hamosu atrazu sensivel ba prosesu.

Arguidu rua ne'ebe marka prezensa mos iha direitu atu tuir julgamentu imediatamente, bazea ba Konvensaun Internasional kona direitu sivil no politika artigu 14.3.C ne'ebe TL ratifika tiha ona iha 2003, katak ba akuzasaun kazu krime ne'ebe kualifikadu tiha ona, ema ida-idak iha direitu hodi julga sem iha adiamentu/atrazu sensivel.

Atu hetan informasaun kompletu bele kontaktu:

Roberto da Costa Pacheco

Koordenador Peskiza legal , JSMP

E-Mail: bebeto@jsmp.minihub.org

Landline: 3323883